

1288. 70

containing Parting

112
1288
425.

50
C. 11A


LESTENDART DE LA LIBERTE PUBLIQUE.

901.
599 - B. 1288.

M. D C. XLIX.

TESTENDART
DE LA LIBERTÉ
PUBLIQUE.

M. D. C. XLIX.



L'ESTENDART DE LA LIBERTE

PUBLIQUE.



EST vn grand auantage dans vn Royaume, quand il s'y rencontre des personnes, qui ne mettent leurs intentions qu'à le maintenir; & tout au contraire, c'est vne afflietion sans pareille, quand les particuliers veulent tout auoir, & quand ils s'attribuent la puissance & l'autorité de prendre les commoditez des autres, à quelque prix quece soit. On a veu de tout temps de ces meschantes harpyes, qui n'ont pas mesme espargné les maisons des Roys, les reduisant presque comme ce pauvre Phinée, qui ne pouuoit trouuer en sa table vn seul morceau qui ne luy fust arraché, ou pour le moins qu'on ne taschast de luy prendre. Mais enfin, le Ciel ayant compassion de nostre malheur, a suscité des Calais & des Zethés qui les ont viuement

944.03

M475m

No. 1288

817482

repoussés, & qui leur abbattant leurs visées
 les ont empesché de voler plus long-temps sur
 nous. La nature de ces hommes se rend d'au-
 tant plus insupportable qu'elle ne veut de
 bien à personne, bien qu'ils ne cherchent
 qu'à raver nos commoditez, ou à nous empes-
 cher d'en auoir. La France depuis long-temps
 auoit soupiré sous le puissant fardeau de la
 tyrannie de plusieurs Partisans affamez, qui
 se succedant les vns aux autres trouuoient
 tousiours sur nos playes du sang nouveau pour
 s'en rassasier aisement, comme les mouches
 sur le renard de la Fable, de sorte que nos
 douleurs estoient si cuisantes, que nous a-
 uions beau secouïer, nous n'en pouuions
 neantmoins faire tomber vn seul, tant ils e-
 stoient acharnez dessus nostre peau, & tant
 le sang des François leur sembloit doux &
 sauoureux, estant en cela pires que les sang-
 suës, à qui l'on ne les doit si bien comparer,
 qu'il n'y ait pourtant beaucoup de dissem-
 blance & de disproportion; car bien que ces
 animaux s'attachent à nos veines pour en ti-
 rer le sang, si est-ce qu'après qu'ils en sont
 suffisamment remplis, ils laschēt aussi-tost leur
 prise, & tombent, ou de leur propre vouloir,

ou

30.449

MAY 28

RBC/NCU

ou se creuant par trop d'aliment: Mais les Partisans ne disent iamais c'est assez, & leur ventre a tāt de capacité, & est de si grāde estenduē, qu'il ressemble à ces abysses, dont on ne peut iamais rencontrer le fond. Depuis trente années qu'ils ont tousiours eu la liberté de prendre sur nous, ils n'auoient iamais eu la moindre intention de cesser, si la force les y auoit contrainsts, encore ne se font-ils pas espouuantez au premier abbord, il a fallu beaucoup de peine pour les ranger au deuoir, ou plustost pour les terrasser de force, & pour les faire desister des excez, où ils estoient si accoustumez. Leurs pratiques auoient esté si puissantes, que les plus grands s'estoient resolus de les maintenir, & sc̄achant bien qu'il n'y auoit point de meilleur chemin pour arriuer à ceste entreprise, que de nous rendre odieux aux Princes, ils ont cherché toutes sortes d'occasions pour nous faire auoir quelque marque, & quelque apparence de soufleuement, sc̄achant qu'il n'y a point de raisons qui puissent exempter vn peuple de blasme, quand il s'eleue contre vn Souue-

rain. Ils executerent leur premier dessein pour nous faire tomber en ce point, quand on enleua Monsieur de Broussel, dont l'innocence & l'integrité paroissoient si grandes aux yeux de tout le peuple de Paris, que personne ne douta d'exposer sa vie pour le retirer du danger. O ! chere innocence, que tu as en toy des charmes, & que tes attraits sont doux & aimables, puis que tu as eu le pouuoir de vaincre en vn seul moment vne si grande troupe d'hommes, dont les affections differentes demandoient vn suiet tout entier pour les faire resoudre à vne si iuste deffence. Mais que ne doit-on pas donner de loüange & de remerciement au Ciel, qui par ses douces influences nous a fait si tost auoir la fin de nos maux, que nous esperions incurables, si ce n'auoit esté la douceur d'vne grâde Reine, qui reconnoissant veritablement nos lagueurs a voulu les faire cesser au plustost. Mais si nous luy auons des obligations sans pareilles, quel e hayne ne deuons-nous point porter à ceux qui se seruant de sa puissance & de son autorité, nous auoient pre-

paré des maux, dont le moindre aspect faisoit peur à ceux qui sembloient les plus résolus. Mais, ô pauvre peuple, combien ay-je veu pallir de fois ton visage, non pour l'apprehension que tu eusses, ou pour la crainte de quelque danger apparent, mais à cause que tu desirois de ne pas tomber en ces actions que tu ne faisois que par la contrainte de tes ennemis: Mais sçais tu bien à quit tu auois affaire, & si tu le ferois vne fois, t'estonneras-tu de leur procédé? le sçay qu'il est difficile de le bien sçavoir, mais si il m'est permis d'en dire la verité, ie diray que c'ont esté des artisans subtils, & bien entendus, que si ie me trompe en cela, ce n'est pas assurément de beaucoup. Car ceux-là mesme quit'auoient succé iusqu'aux os, & qui comme des autres Argonautes s'estoient emparez de la Toison d'or que tu portois dessus tes espaules, n'y trouuant plus à retordre, ont voulu s'emanciper iusqu'à ce point-là, que d'attaquer le Parlement pour le despoüiller de la plus grande part de ses biens, & les ietter au mesme estat où ils t'auoient reduit. Mais quelle Iustice le Ciel

a-t'il fait paroistre contre vn dessein si per-
 nicieux? Vn abyfme ordinaiement en attire
 vn fecond, & fort peu fouuent vn mal-
 heur arriue fans l'autre. Il y auoit defia fort
 long-temps que la renommée auoit esten-
 du fes aiffes, & que fe portant par les airs,
 elle faisoit oüyr fes mille bouches, fans
 pourtant sonner la trompette, ie veux dire,
 qu'elle murmuroit foudement dans les
 oreilles des peuples, faisant courir mille
 bruits, tant de faux que de veritables. Car
 comme Dieu ne punit iamais les pecheurs
 qu'il ne les aduertisse interieurement de leur
 mal, où comme la mer n'est iamais si toft
 excitée, qu'elle ne face voir auparauant
 qu'il doit venir vn orage, de mefme les
 bruits d'une populace font volontiers les
 auantcoureurs du defastre qui les doit bien-
 toft affliger. Il y auoit quelque temps que
 des personnes vſant de l'autorité dont ils
 auoient toufiours abusé, & qu'on leur per-
 mettoit encore alors à noſtre dommage,
 auoient puny rigoureusement quelques ha-
 bitans de Paris, & bien que ce fuſt contre
 toute ſorte d'equite, on auoit ſouffert néat-
 moins

moins leur tyrannie sans en oser seulement parler. Ces ames innocentes ont sans doute supplié le Ciel de vouloir luy-mesme prendre la vangeance du tort qu'on auoit fait à leur innocence, si bien que faisant sousleuer doucement le premier flot de l'orage, on commença de se formaliser de ces actions auxquelles si l'on eut permis de venir plus loing, sans doute qu'elles eussent esté capables de nous perdre. Mais il arriua tout autrement que ces meschans n'auoient pretendu, & cela neantmoins par leur propre faute: car courant comme des aueugles, ou plustost comme des cheuaux indomptables, ils se sont venus ietter eux-mesmes dans le labyrinthe, & se bruslant comme des moucherons de la nuit, ils se sont trouuez enveloppez dans la flame & dans le malheur. Il n'y a point de chien si petit qui ne vueille mordre quand on luy montre les doigts, ou quand on luy touche la queue. Il faudroit qu'un homme fust tout à fait insensible, si se sentant frapper à coups de baston, ou se voyant interressé dans son honneur & dans sa fortune, il ne faisoit paroistre quelque

mescontentement, & ne taschoit de se def-
 fendre, s'il estoit possible, ou que la raison
 luy permist. Car à la verité il n'est pas
 tousiours licite d'vser de vangeance : par
 exemple, si nostre Prince, ou nostre pere
 nous vouloient frapper, il nous faudroit
 contenter de nous eschapper doucement
 de leurs mains, si tant estoit que nous en
 peussions trouuer le chemin, & ce seroit vn
 grand crime de leur vouloir apporter quel-
 que violence, car leurs coups ne sçauroient
 iamais estre qu'honorables; mais de permet-
 tre que des personnes qui n'ont rien à nous
 commander, & à qui la nature ne laisse au-
 cun droit sur nous, nous vueillent comman-
 der, c'est auoir bien peu de courage si nous
 l'endurons, & principalement quand leur
 procedé tourne au detrimēt du Prince, &
 de tout l'Estat. Et c'est contre toute appa-
 rence de bien que ceux qui se voyent en
 grande faueur, veulent tenir en suietion les
 petits: car s'ils ont vn temps à regner, il en
 arriue vn autre puis apres auquel ils n'ont
 plus de force, & où ils se voyent tellement
 abbatus, que ceux qu'ils ont iniustement

offensez, peuuent se ressentir, & se vanger d'eux. La Fable de l'Aigle & du Renard nous le fait voir clairement: car bien que celui-cy ne peust atteindre au nid de son ennemy, si est-ce pourtant que l'occasion vint tout à propos qu'il luy rendit la pareille, par des moyens d'autant plus inesperez, que ce fust Iupiter mesme qui luy en fournit le pouuoir. Le Ciel aussi n'a pas manqué de nous prester sa faueur pour nous faire triompher de nos ennemis, les confondant par sa propre force, & au contraire de nostre esperance. Nous luy auons donc les obligations de nostre victoire, & si nos ennemis se trouuent à bas, & sans aucune puissance, ils doivent soulager leur fortune, de ce qu'ils ont esté surmontez par sa main, à laquelle on ne scauroit resister, ce qu'il a veritablement executé par vne seconde puissance, se seruant mesme à cela des Princes, dont la generosité plus que naturelle à bien fait paroistre qu'ils estoient conduits à cette entreprise par vne autorité Souueraine

Manibus hominum perijisse iuuabit.

F I N.

